



ANG

**Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo


Edisyong Hiligaynon  
Especyal na Isyu  
Marso 29, 2004  
[www.philippinerevolution.org](http://www.philippinerevolution.org)

# Ipakigsumpong ang pungsodnon nga kahilwayan, demokrasya kag kalinungan paagi sa malawigan nga inaway banwa

**Mensahe sang Komite Sentral  
Partido Komunista  
sang Pilipinas**

**B**ug-os kalipay nga ginasaulog naton ang ika-35 anibersaryo sang pagkatukod sa Bag-ong Hangaway sang Banwa (BHB) sang Partido Komunista sang Pilipinas, amo man ang tanan nga maduagon nga kadalag-an nga naangkon sang mga Pulang kumander kag hangaway. Ang mga kadalag-an nga ini naagum sa idalum sang husto nga pagpamuno sang Partido kadungan sa militanteng partisipasyon sang malapad nga masa sang pumuluyong Pilipino.

Nagahatag kita sang mataas nga pagpasidungog sa mga rebolusyonaryong martir kag banganihan. Nagtigayon ang mga kadalag-an sang armadong rebolusyon paagi sa ila mga sakripisyo kag paghimakas. Ginahatagan nila kita sang kapagsik agud magbato nga may dugang kabakod kag maisog agud sa isulong kag agumon sang lubos ang kadalag-an sang pungsodnon demokratikong rebolusyon batuk sa imperyalismo, pyudalismo kag burukrata kapitalismo.



Maagum lamang naton ang pungsodnon nga kahilwayan, demokrasya kag kalinungan sa pagutod sa dominasyon sang US sa Pilipinas kag sang lokal nga nagharing sistema sang daku nga kumprador kag agalon nga mayduta. Masarangan kag dapat naton himuon ini paagi sa pagpursiger sa malawigan nga inaway banwa, sa ubay sang rebolusyonaryong partido sang mga sahing mamumugon kag pagsalig sa gintingub nga kusog sang sahing mamumugon kag mangunguma.

## **Pangkalibutanon kag Lokal nga Krisis**

Labing nagalala ang krisis sang pangkalibutanon nga sistemang kapitalista. Sobra-sobra ang produksyon sang tanan nga tipo balaligyaon relatibo sa pangkalibutanon nga merkado nga nagakitid bunga sang mga pagkaputo sang mga negosyo, pagbuhin sa produksyon, malaparan disempleyo kag pagbuhin sa kita sang mga tawo. Ang pagkarga sang imperyalista sa idalum sang "neoliberal" nga polisiya sang globalisa-

syon sang "hilway nga merkado" nagpadasig sa pagpuga sang mga superganansya halin sa masang anakbalhas, sa pagsapribado sang mga pangpublikong propyedad, sa pagwasak sang mga industriya sa kadam-an nga pungsod kag sa konsentrasyon kag sentralisasyon sang kapital sa mga imperyalistang pungsod, pangunahon na ang US.

Athagon katama nga nagapahina ang numero uno nga imperyalistang gahum, ang nagaisahanon nga superpower. Nahulog na ini sa grabe nga krisis sa ekonomya kag pinansya sugod 2000. Nagkupos pa gid ang pangkalibutanon kag lokal nga merkado *high tech* produktong pangkonsumo kag mga basehang nga produktong industriyal. Gina-mentenar lamang sini ang daku nga merkado pangkonsyumo bangud sa pagpadaku sang depisit sa negosyo kag sa pagpasulod sang mga pondo halin sa iban nga pungod. Bantugan na sa kalainan ang US bilang numero uno nga manugutang sang kalibutan. Bulnerable ini subong sa pagpalagyo sang kapital resulta sang mga pagsurip sa pinansya.

Padayon nga nagagamit ang rehimeng Bush sang mga "neoliberal" nga islogan bisan nagakambyo na ini sa "Keynesyanismong militar". Determinado ini nga buhinan ang buhis nga ginabayad sang monopolyong burgesya, iduso panubo ang lebel sang sweldo, kinutan ang galastuhan pangkatilingban kag iduso pa gid ang polisiya sa pribatisasyon, liberalisasyon kag deregulasyon. Kadungan sini, gusto sini nga papagsikon ang ekonomya sang US paagi sa pagpadamu sang mga kontrata militar para sa *military-industrial complex*. Gani ginhi-ngalitan sini ang mga atake sad-tong Septyembre 11, 2001 kag ginpatuman ang polisiya nga ginatawag "neokonserbatibo" agud ipatuman ang Pax Americana sa bugos nga kalibutan paagi sa agres-

bong paggamit sang superyor nga kusog militar.

Ugaling wala sang iban nga padulungan ang US kundi ang labing paglugdang sa krisis sang ekonomya bangud indi makapatuhaw sang trabaho ang *high-tech* nga produksyong militar para pun-an ang daku nga wala trabaho tuga sang pangkabilugang pagtibusok sang industriya. Nagakaakig ang pumuluyong Amerikano sa ginahimo nga pagbuhin sa pangkatilingban nga galastuhan samtang ang gubjernong US nagabubo sang kwarta sa makinarya panggera kag mga gerang agresyon. Nagakaubos ang mga tinipon kag pondo nga pensyon sang daku nga porsyento sang pumuluyong Amerikano bangud sa paglupok sang bukal sang "bag-ong ekonomya" sa *stock market* nga tuga sang *high-tech*. Nagalibog ang ulo sang US paano pangangunon ang merkado sang US sa atubang sang nagadaku depisito sa badyet kag negosyo.

Ginaduso sang subong nga pangkalibutanong krisis ang nagaisahanon nga *superpower* kag tanan nga imperyalistang gahum nga pasingkion ang pagpamigos kag pangpanghimulos sa pumuluyo sang kalibutan kag sundon ang banas sang pasismo kag gera. Pero ang larga sang US nga maglunsar sang mga gerang agresyon kag monopolisahon ang mga ginpamuyungan sa gera nagapadalum sang kontradiksyon sa tunga sang mga imperyalistang gahum kag nagapasingki sa ila inaway para sa pagtulonga sang kalibutan. Inagaw sang US ang mga ginakuhaan kag ruta sang suplay sang langis kag gas kag iban pa nga dalagku nga bentaha kaangot sa mga gera batuk sa Iraq, Yugoslavia kag Afghanistan. Sining nagligad nga tuig, nakabanggianay sang US ang France, Germany, Russia kag China bangud gusto sini nga monopolisahon ang ginpamuyungan halin sa pagsala-

kay kag pagsakup sang Iraq.

Ang krisis nagapatuhaw sang tanan porma sang pagpamatuk sang pumuluyo sang kalibutan, sa mga imperyalistang pungsod, sa ikatlong kalibutan kag sa mga atrasadong pungsod. Nagalunsar ang pumuluyo sang mga militante nga rali protesta kag mga welga sa malapad nga sakup agud batuan ang imperyalismo, krisis kag gera. Ang pila ka pungsod kag gubyrno nagapamatuk agud maisog nga manindugan sang pungsodnon nga kahilwayan bilang sabat sa sobrasobra nga mga imposisyon sang US kag iban pa nga imperyalistang gahum. Nagalapad kag nagasingki ang mga armado nga rebolusyonaryong kahublagan para sa pungsodnon nga kahilwayan. Nagauswag ang mga ini, halimbawa, sa Colombia, Peru, Nepal, India, Philippines, Palestine, Turkey kag Iraq.

Sa Pilipinas, tuman na nga nagakagaruk ang malakolonyal kag malapyudal nga sistema bunga sang kadalukon sang mga lokal nga mapanghimulos nga sahi sang daku nga kumprador kag agalon nga mayduta kag ila mga agalon nga imperyalista. Sobra na ang suplay sang tanan nga produktong ginaeksport sang Pilipinas sa pangkalibutanon nga merkado. Kadungan man, ginabaha sang mga dumuluong nga produkto ang lokal nga balaligyaan. Bisan ang lokal nga produksyon sang pangunahon nga pagkaon gina-ipit sang mga produktong imported. Ang dolyar nga ginakita sang mga mamumugon nga kontraktwal sa guwa sang pungsod (OCW) nagagamay kag ginagamit sa indi produktibo nga galastuhan.

Nagasurip ang ekonomya. Wala untat ang pagdaku sang depisit sa badyet kag negosyo. Lubos nga naubos na ang mga mautangan sa guwa sang pungsod. Sining ulihing tinuig, nangutang sang daku ang

rehimeng Macapagal Arroyo sa pribado nga mga merkado sa US. Pero ang mga nagapautang nga ini nagasugod na magsara bunga subong grado sang Pilipinas bilang indi masaligan nga manugpangutang. Adlaw-adlaw nagalala ang krisis pinansyal sang lokal nga nagaharing sahi, pareho sang ginapakita sang madasig nga pagkupos sa balor sang piso.

Todo-larga nga ginapalala sang rehimen ang krisis pang-ekonomya kag pangpinansya bangud sa bulag nga ginasunod sini ang mga dikta sang imperyalismong US, paglapak sa pungsodnon nga soberanya kag pagsubasta sa pungsodnon nga patrimonya. Wala ginapamatian sini ang demanda para sa reporma sa duta kag pungsodnon nga industriyalisasyon. Wala sang anuman nga matanyag nga solusyon ang rehimen sa sosyal kag ekonomikong krisis. Ginahingalitan sang US ang krisis kag nagahimo sang mga imposisyon sa pulitika kag militar sa balibad nga kontra-terorismo kag pagpugong sa China kag North Korea.

Malubha ang diskuntento sang masang anakbalhas sang mga mamumugon kag mga mangunguma. Ginahanot sila sang malala nga disempleyo, nagagamay nga kita, nagatimbuok nga presyo sang mga basehang nga produkto kag sang pagtibusok sang piso. Ginabiktima sila sang mapiguson nga instrumento sang estado. Gani nagapasakup sila sa nagapalapad nga mga protestang masa kag welga kag lubos nga nagahandum sang armadong rebolusyon. Bisan ang mga nahanunga nga saray sang katiingban labing nagaimol kag disgustado sa nagaharing sistema. Ang malapad nga masa sang pumuluyo lubos nga nagakangil-ad sa pag-ikog-ikog, kurapsyon, pagpangayu-ngayo kag kapintas sang rehimeng Macapagal Arroyo.

## Mga eleksyon kag negosasyon pangkalinungan

Ang nanari-saring paksyon sang mga lokal nga nagaharing sahi tuman kasako subong sa elektoral nga paindisanay, humalin sa presidente nga lebel panubo. Ang pumuluyo wala sang anuman nga malauman nga signipikanteng pagbag-o para sa ikaayo sa palaabuton nga piniliay sa Mayo. Sa kabilugan, ginabutang sang mga eleksyon ang mga tiglawas pulitikal sang mga sahi sang daku nga kumprador burgesya kag agalon nga mayduta. Sa amupaman, sa nasyunal kag lokal nga lebel sang piniliay, posible makahimo sang mga aliansa sa kaayuhan sang pumuluyo kag sang ila paghimakas. Nahibal-an sang relatibo muklat nga mga lider sa pulitika ang kusog sang rebolusyonaryong baseng masa kag sa sini interesado sa pagkooperar kag mutwal nga pagsuportahanay.

Ang pila ka progresibong partido kag kandidato sa guwa sang mga mayor partido sang mga mapanghimulos nga sahi nagahimakas para sa pila ka pusisyon sa manubo nga panalgan sang kongreso. Sa pihak sang kampanya sang kaaway sa pagpamatay kag pagpanamad sa ila kag sang kakulangan sa pondo pangkampanya, ginakilala ang iksarang nila nga makuha ang indi magnubo sa 16 porsyento sang mga boto. Pero indi bastante ang ila kusog para makahimo sang gilayon nga signipikanteng positibong pagbag-o sa sulod sang sistema. Nagakapeligro pa gani nga madaya ang mga boto nga makuha nila halin sa pumuluyo. Ang pat-ud nga mahimo nila amo ang pagbuyagyag sa kagarukan sang sistema kag pagpangapin sa pungsodnon demokratiko nga mga kinamatarung sang pumuluyo.

Nagpasugot ang rehimeng Macapagal Arroyo nga liwat padayunon ang pormal nga pagsugila-

non sa negosasyon pangkalinungan sa tunga sang Government of the Republic of the Philippines (GRP) kag sang National Democratic Front of the Philippines (NDFP) sa bala-yon sang The Hague Joint Declaration kag sa masunod nga mga kasugtanan garantiya sa kaluwasan kag proteksyon, reciprocal working committes kag sa pagrespeto sa tawhanon nga kinamatarung kag pangkalibutanon nga tawhanon



nga layi. Maathag sa Oslo Joint Statement nga mahimo liwat padayunon sang GRP kag NDFP ang pormal nga pagsugilanon bangud naghilisugot sila sa mga prinsipyo kag basehan sa paghimo sang nagakadapat nga epektibong mga tikang kag pagpanawagan sa US kag iban nga gubyrno nga kuhaon ang mga pangalan sang PKP, BHB kag sang *chief political consultant* sang NDFP sa listahan sang mga "terorista."

Napanahon kag may pagkagilayon nga paandaron sang magtimbang bahin ang Joint Monitoring Committee, pareho sa ginasaad sang Comprehensive Agreement on Respect for Human Rights and In-

ternational Humanitarian Law, sa atubang sang lapnagon nga paglapas sa tawhanon nga kinamatarung, kag para mapadasig ang negosasyon kag pagkasugot sa mga reporma pangkatilingban kag pang-ekonomya, kag sa atubang sang madasig nga nagagrabe nga krisis sa ekonomya kag katilingban. Ginahatagan kahigayunan sang mga negosasyon pangkalinungan ang NDFP kag tanan nga rebolusyonaryong pwersa kag pumuluyo nga iduso ang mga basehang reporma nga kinahanglanon para maagum ang pungsodnon nga kahilwayan kag demokrasya.

Mahimo lamang makasulong ang GRP kag NDFP sang paghimo-sang isa ka alyansa kag untat-lupok paagi sa mga negosasyon pangkalinungan kon ang GRP maghisugot sa NDFP sa panindugan batuk sa interbensyunismo kag pagpasilabot sang imperyalismong US sa halambalanon sang Pilipinas sa kabilugan kag sa negosasyon pangkalinungan sa partikular kag, kon ang ginapan-aw nga kumprehensibong kasugtanan sa mga reporma pangkatilingban kag pang-ekonomya kag kasugtanan sa pulitika kag konstitusyon magatapos sa pang-ekonomya kag pangpulitika nga dominasyon sang US sa Pilipinas.

Ang imperyalismong US ang numero uno nga kaaway sang pumuluyong Pilipino. Ini ang pangunahon nga sablag sa pag-agum sang pungsodnon nga kahilwayan kag demokrasya sa Pilipinas. Ini ang pangunahon nga abang sa matarung kag malawigan nga kalinungan. Gusto ipabilin sang mga imperyalistang US ang dalitan nga bunga sang ila nga agresyon sa Pilipinas. Ginabangdanan nila ang gera batuk sa "terorismo" agud pakulbaan ang pumuluyo. Ginagamit nila ang pagkalista nga "terorista" agud pahugon ang NDFP kag isabo-

tahe ang negosasyon pangkalinungan sang GRP-NDFP.

Pero sa pagkamatuod, ang imperyalismong US nagapahina samtang labaw na ginaunat ang kaugalingon kag ginatinguha nga ipatuman ang hegemonya sini sa tanan nga pumuluyo sang kalibutan. Maathag katama nga ginakapoy ang sarang mapahulag nga pwersa sini nga nagakalubong sa Iraq kag Afghanistan. Ang presensya militar sini sa 140 pungsod ginakaakig madamu nga pumuluyo sa kalibutan. Labi nga ginalubong sang US ang kaugalingon sa indi matupungan nga krisis sa ekonomya kag pinansya, paagi sa pagbubo sang mga pondo sa mga kontrata para sa produksyon militar, sa pagtukod kag paggamit sang Department of Homeland Security agud bantayan kag pahadlukon ang pumuluyong Amerikano kag sa paglunsar sang mga gerang agresyon kag interbensyon. Nagadabuk ini sang gera kag pasismo paagi sa pagduso sang USA Patriot Act bilang modelo sang "kontra-terorista" nga lehislasyon kag paghimo sang dekretong ehekutibo.

Sa subong, ginaamat-amat sang US ang pag-establisar iya presensya militar sini sa Pilipinas kag ginlatag ang basehan para sa liwat nga pagtukod sang iya mga base militar, gamit ang nanari-saring bangdanan pareho sang mga paghanas, gera batuk sa terorismo, sibik aksyon, tawhanon nga hilikuton, kag iban pa. Pero sa maabot nga tinion, mabudlayan sang daku ang US nga maghatag sang pang-ekonomya kag pinansyal nga ayuda sa papet nga rehimen sini sa Pilipinas kabaylo sang mga ekstrateritorial nga pribiliheyo. Bisan ang mga tiglawas pulitikal sang mga mapanghimulos nga sahi mangin interresado sa pag-angkon sang lugar agud makamaniobra paagi sa maayo nga pagpakigrelasyon sa

ASEAN, China, Japan kag Europe sangsa pangunahon sa US.

Pero ang mas malahalon para sa pumuluyong Pilipino sangsa kon anuman nga kunsiderasyon sa ano ang mahimo sang reaksyunaryong gubyrno sang Pilipinas sa iya padulungan amo ang pagpadayon kag pagpaabante sang bag-ong demokratikong rebolusyon paagi sa malawigan nga inaway banwa kag iban pa nga porma sang mga pangmasang paghimakas batuk sa imperyalismong US kag sa mga papet nga reaksyunaryo. Pinakamaayo nga matib-ong, mapangapinan kag magpalapnag sang pumuluyong Pilipino ang ila mga pungsodnon kag demokratikong kinamatarung kag mga interes paagi sa pagpasulong sang armadong rebolusyon halin sa isa ka halintang padulong sa masunod.

### **Pagdaku kag pagsulong sang Bag-ong Hangaway sang Banwa**

Sa absoluto nga pagpamuno sang Partido Komunista sang Pilipinas, ang Bag-ong Hangaway sang Banwa kumprehensibo kag madalum nakabenepisyo sa kritikal kag matinugahon nga mga kadalagan sang Ikaduha nga Dungganon nga Kahublagan Panadlong. Nakakuha ini sang malahalon nga leksyon halin sa mahaba kag manggaranon nga inagihan sa pagrebolusyon. Nakatipon ini sang nagakaigo nga kusog agud kilalahon sang reaksyunaryong estado bilang iya mayor nga kaaway.

Para pamatukan ang malakolonyal kag malapyudal nga kinaiya sang lokal nga nagaharing sistema, husto gindeklarar sang Partido ang pangkabilugang linya sang pungsodnon demokratikong rebolusyon sa pagpamuno sang sahing mamumugon kag paagi sa malawigan nga inaway banwa. Rebolusyonaryong pulitika ang nagapamuno sa BHB. Bilang isa ka hangaway sang ban-

wa, nagaalagad ini sa pumuluyo. Ginapukaw, ginaorganisa kag ginamobilisa niya ini. Nakatukod ini sang 128 prenteng gerilya sa bilog nga pungsod. Nagalakip ini sang minilyon nga pumuluyo kag nagsakup mga signipikante nga bahin sang kadam-an nga mga prubinsya kag mga banwa sang Pilipinas. Ang pumuluyo ang indi mahubsan nga bubon sang kusog sang BHB.

Ang BHB amo ang pangunahon nga organisasyon sang Partido kag pumuluyo sa pagpakigsumpong sa kaaway kag sa pagtukod sang mga organo sang gahum pangpulitika, sa pagpatuman sang reporma sa duta bilang pangunahon nga kaundan sang demokratikong rebolusyon kag sa pagtukod sang baseng masa. Ang BHB ang pwersa sa pagpasulong sang armadong paghimakas bilang prinsipal nga porma sang paghimakas. Kon wala ang armadong paghimakas, tubtub san-o indi mapukan sang pumuluyo ang gahum sang reaksyunaryong estado sang daku nga kumprador kag pagtukod sang demokratikong estado sang pumuluyo sang mga mamumugon kag mangunguma.

Ugaling natural gid lamang para sa BHB nga magsugod sa gamay padulong sa daku kag padulong sa pagdaku kag pagbaskog. Huluhalintang ini nga nagauswag, halin sa estratehikong dependensiba padulong sa estratehikong pagkapatas pakadto sa estratehikong opensiba. Gani dapat sini isulong ang estratehikong linya sang palibutan ang kasyudaran halin sa kaumhan sa isa ka mahaba nga panahon agud makatipon sang armadong kusog tubtub sa masarangan na sini agawon ang mga syudad sa pungsodnon kalapad.

Sa subong nga halintang sang estratehikong dependensiba, ginatinguha sini nga lutuson ang kaaway paagi sa paglunsar sang mga taktikal nga opensiba. Ginalunsar la-

mang sini ang mga away nga patud niya mapadaug. Pleksible ini nga nagahulag paagi sa mga taktika sang konsentrasyon, pagbungkag kag pagsaylu-saylo santo sa ginapangayo isa ka gera mahulag. Kaangot sini, ang BHB nagkalunsar sang maikit kag malaparan nga pagpakig-away gerilya nga nakabase sa nagapalapad kag nagapada-



lum nga baseng masa agud makabante halin sa temprano padulong sa nahanunga nga halintang sang estratehikong dependensiba.

Sa subong, ang BHB yara sa proseso sang pagpauswag sang iya mga armadong yunit sa rehiyunal nga lebel. Ang mga ini mahulag kag pleksible, relatibo nakatipon kag hugot nga nakaangot sa masa. Ginasiguro nila ang siguridad sang rehiyunal nga pamunuan sang Partido kag sang rehiyunal nga kumand sang hangaway kag may ika-sarang sila nga masunson nga magdeploy sang pwersang pangaway sa pagpakigkoordinar sa mga yunit sang isa ukon masobra nga prenteng gerilya agud magkonsentrar sang superyor nga kusog para lutuson ang mga mahina nga bahin sang kaaway. Ginagamit nila ang estratehiyang gerilya kag mga tak-

tika. May yabing papel sila sa madasig nga pag-agaw sang mga hinganiban halin sa kaaway kag sa paglubos sa nahanunga nga halintang sang estratehikong dependensiba sang inaway banwa.

Relatibo sa rehiyunal nga yunit sang BHB bilang rehiyunal nga sentro-de-grabidad, ang mga prenteng gerilya ang relatibo nakadispers nga base sang BHB sa isa ka partikular nga rehiyon. Pero ginapabilin sa kada prenteng gerilya ang daan nga pangsulod nga istruktura sini. nga may kaugalingon nga sentro-de-grabidad kag nakalapta nga mga yunit. Ang platoon nagaserbi bilang pangunahon nga yunit yunit nga nakabase sa baseng gerilya kag ang mga iskward gerilya nagaserbi nga sekundaryo nga yunit gerilya nga nakabase sa mga sonang gerilya. Ginapabilin sang mga prenteng gerilya ang iya desentralisado nga mga operasyon kag nagalunsar ini sang mga opensiba nga sarang madaug. Mahimo man ini maintegrar sa mas daku nga mga plano sang operasyon nga tigayunon sang rehiyunal nga pwersa.

Ang mga *cruise missiles* kag iban *weapons of mass destruction* sa mga kamot sang US wala pulos batuk sa BHB. Bisan ang mga eroplano kag artileriya sang iya mga papet nga pwersa indi man mapuslan. Pero, epektibo nga magamit sang kaaway sa taktika ang mga *night vision goggles, cellphone, tracker, GPS gadget, kevlar helmet, armor vest* kag mga kapareho sini. May yara man kita sini kag may nagkalain-lain nga pamaagi giha-pon kita nga mabatuan ang kaaway. Pero ang labing epektibo nga porma sang kontra-aksyon amo ang wala untat nga pagpadamu sang aton baseng masa kag paglunsar sang mga opensiba batuk sa kaaway sa mas masunson nga sarang mahimo. Sa sini, makuha naton

ang sarang mabitbit nga mga kagamitan sang kaaway kag iban nga kagamitan.

Dapat naton gamiton ang materyalistang diyalektika sa pagpakig-away sa pangontra. Ang kaaway indi tubtub san-o solido kag wala nagabuluglag. Sila ginadibider sang mga kapuluan, sang mabudlay nga tereyn sa duta, sang mga lebel sang kumand, sang erya nga nakadeploy kag sang yunit ukon nga gintalanaan. Kinahanglan tun-an sang maayo sang BHB ang pat-ud nga disposisyon sang pwersa sang kaaway agud tukibon ang mga mahina nga bahin ukon magtuga sang mga kahigayunan para isa ka epektibong opensiba. Kon ang matig-a nga bahin sang kaaway daw indi magguba, ang yunit sang BHB dapat magtipon sang datos paniktik kag tun-an ang epektibo nga paagi sang opensiba.

Hitad katama ang mga armadong pwersa sang GRP. Nakadeploy ang singkuenta'y tres porsyento sa Mindanao, kon sa diin ginahulagan sang BHB kag sang Bangsa Moro Islamic Liberation Army. Ang trenta porsyento ang yara sa Luzon kag ang 17%, sa Visayas. May yara lamang ini nga isa ka batalyon pangkombat nga 350 asta 400 tinawo sa abereyds nga duha ka prubinsya sa Luzon; isa ka batalyon sa abereyds isa ka prubinsya sa Visayas; kag isa ka batalyon sa abereyds sang 182 baryo sa Mindanao (ang labing mataas nga kadamuon sang pwersa). Bisan may mga yunit pangkombat kag mga yunit nga nagasakup sa malapad nga erya, ang mga pwersa sang pulis indi bastante nga kontrolon ang mga lokal nga komunidad. Ginagamit na pangdugang sang Philippine Army ang CAFU, CAV kag iban nga pwersa nga paramilitar pero nangin bulnerable sila sa pagdisarma sang BHB kon maayo nga natungdan ang kina-

hanglanon nga hilikuton pangpulitika kag maid-id nga pag-obserbar.

Sa iya desisyon, ang BHB mahimo makalunsar sang mga taktikal nga opensiba anuman nga tion batuk sa isa ka mahina nga bahin sang mga pwersa sang militar, pulis kag paramilitar. Manubo ang moral sang mga pwersa nga ini bangud ginapalagad sila sa mga interes sang mga imperyalista kag lokal nga nagaharing sahi. Ginakangil-aran sila sang malapad nga masa sang pumuluyo bangud ginagaw nila ang mga pondo para sa mga serbisyo pangpubliko (edukasyon, ikaayong lawas, pabalay kag madamu pa) kag bangud sa lapnagon nga kurapsyon sa paggamit sang mga pondo para sa galastuhan sang militar, pulis kag intelegens. Ang ordinaryo nga mga tinawo sang pwersa militar, pulis kag paramilitarya nagakangil-ad sa kurapsyon sa kubay sang mga upisyales. Masami sila ginadayaan sang ila mga basehang rasyon kag iban pa nga benepisyo. Bisan ang mga kagamitan militar nakalab-ot sa *black market* (iligal nga merkado).

Nagalunsar ang BHB sang mga basehang operasyong pang-opensi-



ba agud papason ang mga pwersa sang kaaway kag agawon ang mga hinganiban sang mga ini. Dapat kita magpakasanyog sa sining mga operasyon bangud ini lamang ang paagi nga mawasak ang kusog sang kaaway kag makambyo sa aton ang armadong kusog sini. Kadungan man, dapat mapasanyog sa pagpihak-pihak sa mga pwersa sang kaaway. Dapat naton trataron nga may kahalog ang mga bihag santo sa Geneva Conventions and Protocol I kag ipakita naton nga maayo nga ginatratar ang nagasurender ukon mga wala na sang ikasarang magbato sa proseso sang inaway.

Dapat naton maglunsar sang mga espesyal nga opensibang operasyon agud gamuhon ang mga operasyon militar sang kaaway, ipatuman ang mga rebolusyonaryong layi kag polisiya kag arestuhon kag nyutralisahon ang pinakamalaut nga taglapas sa tawhanon nga kinamatarung, mga nagapamuyong kag nagabaligya sang mga ginadumilian nga droga. Santo sa prinsipyo, ginaaresto naton ang pinakamasupog nga mga kriminal agud imbestigahan kag bistahon. Ginagamitan naton sila sang armadong kusog kon sila armado kag delikado kag kinahanglan pat-uron ang siguridad sang aton mga tim nga manug-aresto.

### **Batuk sa interbensyon kag agresyon sang US**

Ginapaataas sang US ang iya interbensyon militar kag mga opensibang operasyon sa Pilipinas. Ultimo nga katuyuan sini amo ang malawigan nga pagpahamtang sang iya mga tropa kag liwat nga pagtukod sang iya mga base militar sa Pilipinas agud pahugon kag "punggan" ang iban nga pungsod sa East Asia. Sa subong nagadeploy sila sang mga pwersang pangkom-

bat sa mga patag-awayan kag nagahangkat sang away sa BHB. Ginapaandaman naton ang US nga dapat sini untaton ang pagdeploy sang mga pwersa militar sang US kag ang paglapak sa pungsodnon nga soberanya sang pumuluyong Pilipino kag teritoryal nga integridad sang Pilipinas.

Suno sa internasyunal nga layi, ang kinaiya sang gera sa tunga sang GRP kag rebolusyonaryong gubyrno sang pumuluyo (ginatig-lawas sang NDFP) amo ang isa ka gera sibil bisan pa nga ang GRP nagasalig sang daku sa indoktrinasyon sang US, kahanasan kag kagamitan. Pero, sa atubang sa subong nga interbensyon militar sang US, ang pumuluyong Pilipino kag tanan nga rebolusyonaryong pwersa dapat handa nga makigsumpong batuk sa gerang agresyon sang US anuman ini kadaku kag anuman nga tion. Ang agresyon mahimo matabo anuman nga tion nga isahanon nga nagapati ang US nga madali sini papason ang BHB ukon magdesisyon

indi na makasarang sang mga papet nga armadong pwersa nga ipabilin ang lokal nga nagaharing sistema.

Sa pagbato kag pagdaug sa gerang agresyon sang US nagakahulugan sang paghatag-hustisya sa 1.5 milyong Pilipino nga ginpamatay sang mga imperyalismong US halin sang magsugod sang Gera Pilipino-Amerikano sadtong 1899 tubtub sa katapusan sang kampanya sang pagtapna sadtong 1913, pag-angkon sang kadalag-an sang bag-ong demokratikong rebolusyon kag sa pag-amot sa rebolusyonaryong paghimakas sang katawhan batuk sa imperyalismo kag para sa pungsodnon nga kahilwayan, demokrasya, sosyalismo kag kalinungan sang kalibutan.

Sa katapus-tapusan, ang imperyalismong US amo ang pinakabrutal nga tagapangapin sang lokal nga nagaharing sistema sang dalagku nga kumprador kag agalon nga mayduta. Dapat naton kon himuon nga inutil ang imperyalismong US paagi sa paglutos sa mga papet nga

reaksyunaryosini sa gera sibil ukon palutos sa gerang agresyon nga possible igalunsar sang imperyalismong US. Dapat kita maghanda batuk sa pinakamalaut agud sarang kita maglaum sang maayo.

Ang paglapnag kag pagpasingki sang mga rebolusyonaryong paghimakas sang pumuluyo batuk sa imperyalismong US sa pangkalibutanon nga sakup mahimo magdula ukon makabuhin sa ikasarang sang US nga maglunsar sang agresyon batuk sa pumuluyong Pilipino. Dapat kita maghulag kaangot ang pumuluyo sang kalibutan. Dapat kita mag-amot sa kutob masaranggan para sa pangkalibutanon nga anti-imperyalistang paghimakas. Sa sini, makalaum kita sang labing maayo nga maamot man sang mga rebolusyonaryong paghimakas sang iban nga pumuluyo. Dapat mahilway ang katawhan sa salot agud tukuron ang isa ka bag-o kag mas maayo nga kalibutan nga mas mas kahilwayan kag tanan nga bahin-nga-kauswagan. AB